

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Munir. A. Azim (atba)

20 Décembre 2019

23 Rabi'ul Aakhir 1441 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

HADITHS LOR LE GHIBBAT... (PARTIE 4)

Par la grâce d'Allah, mo pé contigner mo Khutba Jummah lors le sujet de « *Ghibbat* » - faire palabres, mal pense ene dimoune, jaloux li et rode fer li ditort seulement pou ki les autres crasse lors li et déshonore li.

Sa c'est ene sujet ki demande continuer pou l'éducation de tous dimounes en général et particulièrement nous bane membres du Jamaat Ul Sahih Al Islam. Si ou analyse sa sujet là en profondeur, ou pou trouver aussi ki dans nous société ki nous pé vivre zordi jour, ena problème entre frère et frère kot ou trouve ene frère humilier so propre frère kot li prend li comme ene dimoune bas. Si ene dimoune conne so propre être bien, bé li pas capave même considère les autres comme bas. Hazrat Massih Ma'oud (as) fine explique sa dans sa façon là, ki dans ou pensée, faire comme-ci ki ou pli pire ki tous, lerlà ou guetter ki, *Insha-Allah* sa même remède là ki pou marcher.

En plus de sa, Hazrat Muhammad (saws) fine dire ki ene dimoune faudé pas considère ene lotte pli bas, parski kan ou analyse ou propre être, ou trouver ki c'est ou ki pli bas, et si ou ena quique l'honneur c'est juste parski Allah pé faire **Pardah Poshi** are ou, c'est-à-dire, c'est zis à cause Li pé couvert ou bane faiblesses

et Li pé préserve ou l'honneur. Si ou ena quique statut, quique grade, quique connaissance, l'intelligence, ou possède l'argent, beauté, beaucoup zenfants etc., bé c'est juste par la grâce et bénédiction d'Allah.

Kan ene dimoune comprend sa bien, bé lerlà kan li trouve ene dimoune pli bas ki li, bé li pou gagne honté et pas pou considère dimoune là comme bas, et sa c'est ene réalité kan ou guette lotte dimoune là, et ou penser ki malgré so situation difficile, là aussi li pli en avant ki ou dans sacrifice, dans sincérité, dans faire zefforts pou propage le *Deen-e-Islam* etc. Donc, ou gagne honté et ou faire *Istighfar*, et zamais ou pas pou considère li comme bas.

Donc prend compte. Si vraiment ou ena ene l'amour profond pou Nabi Kareem (saws) ou pou alle réfléchi lors sa. Sa c'est *tarbiyyat* ki Hazrat Muhammad (saws) pé donne nous, après avoir réfléchi profondément lors la psychologie humaine par l'aide d'Allah (swt). Sa être pure ki fine vini plisse ki 1400 ans de cela ; ene être pou laquelle l'univers en entier fine crée, guette ki kalité zefforts li fine faire pou bane dimounes nannié di tout couma nous. Dans li pé lever li pé faire *doah* et ouvertement li ti pé mentionne ene par ene bane maladies et li ti pé montrer bane remèdes pou chaque maladie. Et si juste ou tanne sa ou dire ki vraiment c'est bane grand conseils, li pas suffit nek pou dire sa. Kan ou guette so bane sacrifices ki li fine faire, bé lerlà ou pas pou même oser pou néglige sa bane conseils là.

Dans le monde aucaine lézot prophète pas fine faire autant bane zefforts pou so peuple autant ki Hazrat Muhammad (saws) fine faire. Alors pense sa un peu et lerlà avec respect ou pou courber et ou pou soumettre. Parski dans l'obéissance tous les temps ena l'enthousiaste du cœur ki en avant. Mais kan ou lé cœur tombe complètement dans l'amour de Hazrat Muhammad (saws), bé li pas possible ki ou pas pou accepter so bane conseils.

Donc pas guette seulement sa bane conseils là à la lumière de so connaissance mais guette aussi so l'amour ki li ti ena pou Allah et pour so *Oummah*. Guette sa *Rahmat* ki li ti ena à la base de sa bane conseils là, lerlà kan ou courber bé ou pou ena ene tel l'obéissance ki pou faire ou gagne l'amour d'Allah et de So prophète (saws), et c'est pour sa l'amour là-même ki nous vivant et c'est sa même nous désire finale. Donc fine facilite sa bane chemins de *Mohabbat* là pou nous.

Ensuite Hazrat Muhammad (saws) fine dire ki « *Taqwa li ici* ». Céki veut dire ki le stage de *Taqwa* c'est lé cœur de Hazrat Muhammad (saws), et ensuite li fine dire ki sa même mal suffit pour ene musulman ki li critique so lotte frère. Donc, mo ti déjà mentionne sa avant et mo pé rédire sa, ki si ene musulman critique so ene lotte frère et humilier li, bé sa même suffit pou amène la destruction. Céki veut dire faire attention, pas considère ou frère bas et pas faire aucaine traitement humiliant are li, parski sa même suffit pour amène la destruction ki vine de côté d'Allah. Ena trois kitchoses d'ene musulman ki *Haram* lors ene lotte musulman : so disang, so l'honneur et so dibien. En céki concerne di sang là, longtemps li ti rare, mais azordi jour ou trouver même couma pé tire la vie couma dire pé amène ene zaimo dans l'abattoir, pé touye li, tire so la vie, parfois à cause kit vengeance, ou la drogue etc.

2^{ème} et 3^{ème} ena l'honneur et dibiens. Sa bane zaffaires là pé faire fracas partout dans tous familles, sociétés, et pays. Si nous pas change nous complètement et nous pas rendre nous pure de sa complètement, nous pas pou ena capacité pour gagne le dessus lors le monde en entier. Si zamais nous pé gagne *Barakat*, bé c'est à cause de sa bane quelques dimounes d'entre nous là ki fine complètement purifier zot de sa bane zaffaires là.

Mais dans sa l'époque ki nous pé vivre actuellement et grâce ki Allah (swt) fine faire lors nous, mo attane de ou ki ou réfléchi un peu lors sa bane zaffaires là chaque fois et essaye mette zot en pratique. Et avec bane paroles de Hazrat Muhammad (saws) purifier ou-même, ou l'intention et crée ene tel société ki vine ene exemple de sa bane zaffaires là, et leri là ou guetter ki ou fine gagner et ki ou fine perdi, et sakaine d'entre ou pou gagne *Jannat* (paradis) avec sa bane zaffaires là. Parski avant sa ou ti pé vivre ene la vie d'enfer avec sa bane mensonges là ; bane plaisirs ki ou ti pé prend dans « *Ghibbat* », dans critique etc. Dans tous sa là ti ena ene difé ki ti pé enflammé dans ou lé cœur et leri là fine sorti couma bane serpents à feu.

Donc, si ou tanne sa bane conseils là, et ou mette zot en pratique, tous sa bane difé là pou éliminer. Et ou pou en paix et sa pou ene *Jannat* et toute la famille, toute la société pou en paix et ou, aucaine Maulvi, aucaine animosité, aucaine gouvernement pas pou capave faire nannié contre ou. Si ou décore ou avec morales de Hazrat Muhammad (saws), bé le monde pou bizin ena ene grand respect pou ou.

Ensuite fine dire ki pas bizin ena la jalousie. Allah pas guette ou dibiens, ni beauté de ou visage. Si Allah pas guette sa bane zaffaires là, bé ki ou tracasser ? Ou pas bizin tracasser ki « *Untel pli joli ki moi ou ena plisse dibiens ki moi* ». Allah (swt) céki Li pou guetter Li, c'est ki sanlà ki pli près are Li. Alors ki faire ou tracasser ? Si Allah près are ou, certainement Li pou décide dans ou faveur ; Li pas pou prend compte ki sanlà pli joli et ki sanlà pli riche. Céki Li pou prend compte c'est celui ki ena plisse *Taqwa* et fine purifier li complètement.

Donc, celui ki ena plisse *Taqwa* dans so lé cœur, c'est li même ki pli riche dans lizié d'Allah. Parfois ou pose ou la question couma ou conner si pas Allah guette *Taqwa* ou non ? Mais dimoune ki ena *Taqwa* dans lé cœur, li conner li. Parfois ena dimoune pauvre, mais ki ena *Taqwa*, li gagne beaucoup l'honneur dans sa le monde là. Ki sanlà ki ti capave pli pauvre ki Hazrat Muhammad (saws) ? Dans so la caze, pas ti ena nannié pou assizer et pendant des jours et des jours difé pas ti pé allumer [pou cuit manger]. Mais beaucoup bane dimounes fine délaisse tout zot du bien et fine vine devant la porte de Hazrat Muhammad (saws) et avec so lien de pauvreté ki zot ti gagner, sa même ti ene source de zot honneur. Fine ena combien les Rois coumsa fine quitte zot royaume et fine vine vers Hazrat Muhammad (saws). *Alhamdulillah*.

Donc, guette le *Taqwa* ; alors si ou pou guette sa bane conseils de Hazrat Muhammad (saws) avec honneur et ou mette sa en pratique, bé ou pou profiter entièrement de sa. Ensuite li fine dire ki pas rode défauts ou faiblesses les autres et pas gâte bane deal les autres. Et li fine terminer en disant ki ene musulman li ene frère d'ene lotte musulman, et de là ou capave commence ou voyage de progrès et abandonne le mal. Ki Allah aide nous tous pou faire sa. *Ameen*.

ANNONCES :

1. *Insha-Allah*, Jamaat de Kerala pou fer zot Jalsa Salana le 22 à 23 Décembre 2019 ; et Jamaat de Tamil Nadu pou fer céki pour zot (Jalsa Salana) le 29 Décembre 2019. Bane Siraj Makin de Tamil Nadu aussi pé organise zot Ijtema aussi la veille du Jalsa Salana. Mo fer *duah* ki Allah béni zot bane programmes et fer sa vine ene grand succès, en terme de bénédictions et de *tarbiyyat* pour nous bane membres.

2. En parlant de nous bane membres, nous pas oublier bane ki malades et ki dans bane grands difficultés, dans zot la vie personnelles et pour la cause du Jamaat aussi, kot zot gagne bane grands difficultés et problèmes seulement à cause zot fine croire dans l'avènement d'ene Khalifatullah et zot fine intégrer le Jamaat Ul Sahih Al Islam. Ene pensée spéciale pour nous frère, **le Naib Amir Hariz Sahib et so madame Razia Sahiba** – zot pé souffert de zot la santé. Nous fer *duahs* pour zot ki Allah déverse So bénédictions immenses lors zot, accepter zot bane sacrifices et récompense zot pour grand patience ki zot ena pour la cause d'Allah.

Ena nous bane les autres membres ki malades. Nous fer *duahs* pour zot, ki Allah rédonne zot, zot la santé et reconforte zot et raffermi zot physiquement, moralement et spirituellement dans So *Deen* et dans zot la vie de tous les jours. *Ameen, Summa Ameen, Ya Rabbal Aalameen.*